

職方典第一千四百九十三卷

順寧府部彙考一

順寧府建置沿革考

通志

本府

古百濮地濮訛爲蒲蒲名慶甸蒲人居之歷漢唐宋不通中國蒙氏段氏亦不能制元泰定間始內附天曆元年置順寧府并置寶通州慶甸縣大侯長官司明洪武十五年仍置府後省州縣入府萬曆二十五年設流官改大侯爲雲州

皇清因之領州一

雲州

宋蠻孟祐地元中統初辟文內附授大侯長官司屬麓川明洪武中內附以其酋爲長官司正統中陞大侯州後改設流官名雲州領猛緬長官司一猛緬猛撒巡檢司二隸布政司萬曆中改隸本府

古今圖書集成

府建置沿革考之一

皇清因之

順寧府疆域圖

蒙化府界

東京府界

永昌府界

灣甸土州界



順寧府疆域考

通志

本府

東至蒙化府界二百三十里

西至灣甸土州界一百二十里

南至景東府界三百四

十里

北至永昌府永平縣界三百七十里

由府至省一千一百五十里

東西廣

三百五十里南北袤七百一十里

雲州

東至景東府界一百二十里

西至順寧府界十里

南至景東府界二百五十里

北至蒙化府界一百二十里

東西廣二百三十里南北袤三百七十里

形勝附

本府

舊志衆山環繞於西南一江襟帶於東北雲州雖彈丸有建瓴之勢三甸如鼎足分犄角之形界限華彝荒徼資爲控制區分邊腹封疆賴以藩籬

雲州

僻在白巖之微深山盤水地勢炎蒸

州志天馬山屏障於後猛卯山列戟於前兩水交纏萬山圍峙左有神舟渡天塹之雄右有永鎮關扼吭之險洵西南之鎖鑰重地也

順寧府星野考

府志

府總

海內諸郡邑各有分野取二十八宿而占祿祥應若符合如順郡距九州甚遠其屬於何宿何度甚難辨也亦視其所附而已榆稱益永稱梁順與榆永接壤而順可知矣天官書云觜觿參益州又參爲白虎三星直者視爲衡石下有三星其外四星左右肩股也小三星隅置曰觜觿爲虎首主葆旅事漢書分野屬井鬼入參七度晉書次鶉首末位隋書梁州上應觜參宋書麗中台上位北斗開陽一星星經太白爲益州又北斗第二星主益州元命苞參流爲益州文獻通考梁州兼參宿按圖說屬入參一度躔爲入參二度越躔入參三度以陰陽宮參九井十八

度計之滇不越二十七度間順當亦不出二十八度耳

順寧府山川考

通志府州志合載

本府

鳳山在城西一里郡鎮山也

樂平山在鳳山西北十五里

中阿山在鳳山西南十五

里

僕山在城北十五里又名墨玉山一望葱然黛色如畫

交鳳山在城東五里形如

雙鳳

把邊山在城南四十五里兩山相對一逕中通關建其上按明一統志中有把邊關

九層樓山在城西北八十里嶺盤九層上有聚落

泮山在城東一百二十里其下卽蘭滄

黑惠二江合流處

阿鐸山在城西南一百八十里林深谷奧下臨絕澗以藤爲橋

西

粵山在城西南二百里猛緬界山俱峭壁有瓊英洞洞肖城闕廣約十餘丈上浮翠蓋狀如垂

蓮中有石鼓聲同擊玉嵌空奇崛深邃莫窮偏邦山揖其左獼猴山倚其右拱而前者有梳頭

山高卑環接皆名勝也

阿魯使泥山在城北一百八十里上有白霞洞深十餘步石蓋如

樓時見白氣東下有泉入黑惠江

蟻蟻者石山在城西北二百四十里山極高峻奇石嵌

空怪異萬狀上有聚落名蜚蟻

順寧河在府治東源出甸頭村山簷流入雲州孟佑河

鹽礪河在府南一里水出南山

洛甸河在府南三十五里出中阿山下

臘門河在府

北十里三水俱南流與順寧河會而東注

蘭滄江在府東北七十里源自金齒東南流經

府境又上流東北爲銀龍江亦會此水與黑惠江合南歷景東元江交趾入南海

黑惠江

在府東其上流卽碧溪江水由大理劍川二澤與漾濞水合爲一江經府洋山下入蘭滄達南

海蒙氏號四瀆之一

龍湫在府治南山之麓方一畝林木叢蔚水色澄碧

蘊古泉在

府治西彝語謂泉爲鹽謂湧爲古又名鹽古泉其水澄澈可鑑毛髮

雲州

鎮彝山在州西五里

習彌山在州東六十里

蠻彌山在州南二百五十里林密山深

巖石壁立

馬鞍山在州之右五里

天馬山在州之後四里有餘爲州之主山稱名勝

猛卵山在州治前十餘里形如列戟翠色欲流

昔彌山在州北一百五十里下臨瀾滄江

高逾千仞舊有一聯云昔彌之峯聳而翠遙接孤城滄江之水漪以深險同天塹不知誰氏之

筆也 阿輪山在州之東一百二十里下臨瀾江高二千餘仞與諸山綿互不分隔江景東

無量山對峙險峻異常登陟維艱雲地無雪此山甚寒雪積不消 挨羅箐在州北一百里

自猛郎永鎮橋起至林後哨止約三四十里兩山高夾溪水亂流路通一線泥濘險罅雨霽皆然喬木蔽天藤蘿障日迷漫如霧朝夕陰霾酷暑而晝生寒日午卽如近暮矣 瀾滄江在

州北一百二十里與漾濞江合在府境接壤處遠州境而東入景東猛緬界江水到冬臘月其色黑綠兩岸皆險峻高山夾流其水寒甚因上流過麗江金寒則水冷無論四季人墮入水強半不能出若牲畜浮渡者每羸瘦患證蓋冷氣侵骨較他水又有異焉 四十八道水在州

之南一百里自永鎮關起至猛賴大河止約五六十里一水曲繞於重岡複嶺之下出其途者踰山渡澗凡數十次而後盡渡水方能達路路行必要渡水且林谷幽怪石磴嶽峙合抱叅天之樹密如毛髮蔓草薜蘿充塞道路人烟絕無虎豹時有非結伴不敢經過 順甸河在城

南三里府城之河與猛石河自舊城合流而環遠州前每於夜靜時遠聞潺潺琅琅如佩玉聲小龍河在州南一里河出邦蓋山及各山凹會來之水與順甸河合流淺溢靡常間或夏月人

馬浮涉有至中流而漂去者值其忽漲故也

神舟渡在太平哨之下十里往蒙化府交界

用大板船濟渡

漫乃江在阿輪山東五里係往景東之咽喉用木槽船渡

猛賴河在

州南八十里河之上流名大河從猛緬界來

南看河由順寧遠州之左

水利附

本府

天澤塘在樂平山椒土官猛寅鑿塘注水周半里許

雲州

洪塘在鎮彝山下

李家壩

桃園河

水罐溝

三岔溝

和尚壩

石岩

潭

順寧府城池考

通志

本府

順寧府城池在鳳山之中明萬曆二十八年巡撫陳用賓檄知府余懋學建周七百二十丈高

二丈一尺甃以磚設四門東曰朝天南曰慶雲西曰永定北曰隆昌

皇清康熙三年知府米璫重建四樓三十年秋霪雨東南二樓瓦飛棟折二座傾圮知府徐櫬捐俸重修屹然如故三十八年西北二樓將傾知府董永芝捐俸修煥然一新

外州

雲州城池原係大候寨改爲大候土州嗣又改土設流並無城郭至明萬曆三十年知州劉秉錦奉文建磚城至三十一年告竣高一丈六尺週圍共六百一十四丈零垛口一千六十零四箇東西南北城樓四座高三丈六尺闊四丈一尺止開東南北三門西門爲關風脉不開今樓年久已廢於崇禎八年守備王之將於城外開壕溝週匝環遶寬二丈深一丈久因雨水壅填過半未易修濬

順靈府關梁考

通志

本府

把邊寨關在府南六十里爲順雲扼吭地路通蒙景二府

浦關

愠馬罕關

等喇

關 臘門關俱在府境

迎恩關去府二里在東門外永蒙路經之知府王政重修挽以

鐵索甚堅固

衡亨橋在府北城下明崇禎十七年知府曾瑞來建

行春橋在府東城

外一里往東山寺路經之康熙四年知府米璫捐俸重修

右甸大橋明崇禎十五年通判

謝天祿捐俸重修

枯柯大橋去府二百五十里明知府李忠臣建挽以鐵索巨木爲棟上

覆瓦屋水出毒岸有風熱氣蒸人如釜如 利在速行非橋不可

皇清康熙四年知府米璫重建

錫鉛橋在府北八十里明崇禎十七年知府曾瑞來建木橋瓦

屋疊石爲墩堅固可久矣

猛石橋未載處所

大橋在府北一百六十里往隆昌大路

康熙四年知府米璫修

小橋在府北一百四十里往隆昌大路

太平橋未載處所

觀音寺橋在府南三里許三官閣山下路通雲州

歸化橋在府南十五里路通雲州大路

舊橋爲水所沒已久康熙三年知府米璫捐俸重修

麻臘寨橋在府南七十里路通雲州

舊橋冲壞石址無存康熙年間知府米璫捐俸同耆民修建

大橋在府北一百六十里又

名猛家橋路通蒙化明末知府曹巽之捐俸建

永濟橋在大橋之西相去二里明末知府

曹巽之建

歪泥橋在木龍里路通永平去府二百五十里康熙二年永平生員馮家訓修

建

克麻橋在牛街坡下通來宣橋大路秋夏多爲澗水所阻過者稱難康熙二年知府米

璵捐俸重建

來宣橋在府北一百八十里牛街驛邊溪江上通蒙化其渡最險明末焚燬

皇清康熙元年知府米璵捐俸重修橋長九丈兩端挽以鐵纜上覆瓦屋二十一楹九年復燬巡撫

李天浴布政使崔之瑛按察使張彥珩等捐俸檄知府許弘勳督修

鳳鳴橋在府城西康

熙元年巡撫司道各捐俸檄知府米璵督修

宣德橋知府劉芳聲建

泗水橋在城外

東南角

翁起橋知府李文淵重修

天順橋耆民張所蘊等同建

攸往橋知府劉

芳聲建

永順橋知府董永艾建

迎春橋知府李文淵建

瑞虹橋知府徐欏重修

達來橋知府徐欏重修

黑惠江渡在赤龜山下

瀾滄江渡在府東北八十五里

雲州

永鎮橋在州北四十里地名溫萌

長安橋在州之北五十里地名猛郎

廣德橋在州

之南十里貢生劉次徽州民張文甲盧應祥僧默契共建年久傾塌州民楊貴宇重修

新

惠橋在州之南十二里舊城之右合州紳衿耆庶漢彝人等同修於康熙五十三年大水沖壞
今改爲鐵索橋 富春橋在州之東五里先年連修三次不果

皇清康熙丙申年承北府程署理順寧兼攝雲州捐穀四十石給公銀三十兩委貢生李恭孔忠等
鳩工督役募化銀錢於本年五月中告成橋鎖順甸二水關一州風脉兩牙頭高架水中其橋
既長且闊乃雲陽第一橋也 小藤橋在州之南地名猛賴 石橋出蒙化路計六座俱
知州張鶴塘捐俸重建 鎖水橋在州舊城本府河水所經馬鞍山居岸北舊城沙汀拱岸
南橋以鎖水知州刁飛龍捐俸重修 永安橋在城北門外今廢 小板橋在城北十里
地名鹽井哨

順寧府公署考

通志

本府

順寧府治舊在麻陋缺村明永樂十六年建萬曆二十六年巡撫陳用賓遷建於城內鳳山下
按府志在城西建東向大門一座儀門一座大堂五間堂下兩廡吏書房各八間川堂三間大

樓五間花廳三間知府王縉建額曰背山堂書房三間知府米璉建額曰品竹居花亭一座知府董永艾修建題額曰問梅亭有石鐫問梅亭記廚室一間小房五間馬房正側五間其主樓傾圯知府董永艾重修後山草亭三間知府李文淵建額其額曰乾坤一草亭 督捕府署

在府南門內年久傾圯今改爲廣文署知府米璉以舊行臺爲叅將借居置金七十買李姓之宅在府城北隅改修之大門三間左右客房三間儀門三間大堂三間後堂捲蓬三間大樓三間兩廂各五間 經歷司在府治內 司獄司在府治內今廢 公館今廢 順靈

城守營署明設順蒙守備駐雲州蒙化順郡原無營署迨全滇初定改設順雲叅府借居舊行臺後改守備移兵景東行署圯廢今守備移居於舊時千總署中其營房係知府劉芳聲捐修瓦房二百五十間草房一百五十一間在城東南隅民屋西南隅兵民分處法最善也 右

甸行署久廢

腊邑行署久廢

積貯倉

常平倉俱在府二門之左

大有倉在

育賢館後

演武場在舊城南按古者冬而講武武場不可不設然前演武廳卑陋傾圯不

足觀城守營守備宋清捐資新建額曰觀德堂日往簡閱賞罰並行紀律森嚴兵民胥便焉

養濟院圯廢

漏澤園一在東山寺前一在土主廟後一在城隍廟後

外州

雲州治在城內西門卽舊叅將府明萬曆二十六年改設按州志署中爲正堂三間左右兩角門堂前爲甬道爲戒石亭前爲儀門門外左爲土地祠下爲賓賓館前爲大門門外爲屏牆左右有旗竿有鼓吹房二事依古制爲彈壓邊疆之所設也堂右西南隅爲獄堂之後爲川堂後爲內衙知州蔣捐俸新建後樓三間顏曰迎煦樓後建一亭題曰醉滁州署其牆垣因

皇清康熙四十四年接連雨水傾壞大半知州蔣捐俸修築

吏目廨在州左因州同奉裁今爲

吏目衙前後傾頽不堪吏目楊重修

舊制巡檢司有八一在牛街一在錫沿寨一在董嬰

寨一在赤壁嶺一在蟒水寨一在錫臘寨一在猛麻驛一在府前今俱廢

分防衙舍在北

門內

行臺公署在南門內今廢

猛郎公館中爲堂前爲大門後爲內衙

太平哨

公館中爲堂前爲大門後爲衙

倉二所在土地祠左右州自開設以來時駐兵五百名凡

兵丁月糧及官俸糧額在稅銀內支給故設倉四處一在堂左其三在大州內土地祠左右今

兵止存駐一百名支糧無幾餘糧俱撥運別鎮且以歲久年遠倒塌過半止存堂左一所土地祠右一所

順寧府學校考

通志

本府

順寧府儒學在府治西南明萬曆三十四年巡撫都御史陳用賓奏建知府余懋學創修代更傾圯人謂地脉稍薄人文未暢

皇清康熙八年知府許弘勳卜支龍之麓而遷之鼎建大成櫺星二門名宦鄉賢二祠鑿泮池規制具備知府胡朝賓修葺康熙二十二年奉

旨郡邑重修知府劉芳聲修葺

義學有三一在育賢館一在龍泉寺一在落黨立勒村知府徐

樞通判李燦捐俸延師訓課

學田康熙三十六年知府董永艾將舊設本府隨印田租四

石捐入義館歲給生徒久廢

外州